

Na osnovu člana 13. stav 2. alineja 4. i člana 37. stav 1. tačka a, alineja 9. , Zakona o pricipima lokalne samouprave ( « Sl.novine F BiH», broj: 49/06), a u vezi sa članom 39. stav 2., Zakona o zaštiti od požara i vatrogastvu ( « Sl.novine F BiH », broj 64/09 ), Općinsko vijeće općine Cazin na svojoj X sjednici održanoj dana 24.06.2010. godine, donijelo je:

## **O D L U K U**

### **o utvrđivanju naknada i načinu naplate servisiranja vatrogasnih aparata i pružanja drugih usluga Vatrogasne jedinice Cazin**

#### I NAKNADA ZA ODRŽAVANJE PROTIVPOŽARNIH APARATA:

##### Član 1.

Utvrđuju se visine naknada usluga za periodične preglede i održavanje vatrogasnih aparata:

##### 1. Periodični pregled vatrogasnih aparata

<b>R/B</b>	<b>TIP APARATA</b>	<b>JEDINICA MJERE</b>	<b>NAKNADA U KM</b>
1	2	3	4
1.	S-1, S-2, S-3	komad	7,00
2.	S-6, S-9, S-12	"	10,00
3.	S-50	"	31,00
4.	S-100	"	51,00
5.	Stalni tlak P-1, P-2, P-3	"	6,00
6.	Stalni tlak P-6, P-9, P-12	"	9,00
7.	CO2-3, CO2-5	"	8,00
8.	CO2-10	"	10,00
9.	CO2-30	"	21,00
10.	CO2-2x30	"	31,00

##### 2. Punjenje bočica CO2 i N2

<b>R/B</b>	<b>TIP APARATA</b>	<b>JEDINICA MJERE</b>	<b>NAKNADA U KM</b>
1.	S -1	komad	2,00
2.	S -2	"	3,00
3.	S -3	"	4,00
4.	S -6	"	7,00
5.	S -9	"	7,00
6.	S -12	"	8,00
7.	S -50	"	20,00
8.	S -100	"	25,00

##### 3. Kontrolno ispitivanje posuda, atest boca

R/B	TIP APARATA	JEDINICA MJERE	NAKNADA U KM
1.	S -1, S -2, S -3	komad	5,00
2.	S -6, S -9, S -12	"	10,00
3.	CO2-5, CO2-10	"	20,00
4.	CO2-30	"	30,00

#### 4. Čišćenje i farbanje vatrogasnih aparata

R/B	TIP APARATA	JEDINICA MJERE	NAKNADA U KM
1.	S -1, S -2, S -3	komad	5,00
2.	S -6, S -9, S -12	"	10,00
3.	S -50, S -100	"	30,00
4.	CO2-3, CO2-5	"	10,00
5.	CO2-30	"	30,00

#### Član 2.

Zamjena upotrijebljenih i istrošenih rezervnih dijelova na servisiranim vatrogasnim aparatima, kao i zamjenjena vatrogasna oprema i sredstva se obračunava prema nabavnim cijenama , uvećane za 20 % .

#### II OBUKA RADNIKA PRAVNIH LICA IZ PROTIVPOŽARNE ZAŠTITE

#### Član 3.

Obuka do 5 radnika ( za pravna lica) po jednom kandidatu iznosi 10,00 KM, a za svakog slijedećeg kandidata plaća se 6,00 KM.

Ukoliko se obuka iz protivpožarne zaštite izvodi u prostorijama vatrogasnog doma , za obuku do 10 kandidata, plaća se 8,00 KM – po kandidatu, a za svakog slijedećeg kandidata plaća se 5,00 KM.

#### III MJERENJE PRITISKA U HIDRANTSKOJ MREŽI

#### Član 4.

Mjerenje pritiska u hidrantskoj mreži po jednom hidrantu iznosi 15,00 KM. Za kontrolu i mjerenje pritiska u svakom hidrantu koji prelazi broj 5 plaća se 10,00 KM.

#### IV OSTALE USLUGE

#### Član 5.

1. Prevoz pitke vode autocisternom od 8.000 litara vode do 5 km iznosi 65 KM. Za svaki daljnji kilometar povećanja udaljenosti plaća se 2,5 KM;

2. Rad vatrogasnog vozila s pumpom , na crpljenju vode, po jednom satu košta 50,00 KM;
3. Vatrogasno obezbjeđenje po jednom vozilu sa posadom , po jednom satu, plaća se 45,00 KM;
4. Crpljenje i ispumpavanje vode sa prenosnom pumpom « Ziegler », po jednom satu plaća se 30,00 KM;
5. Prevoz protivpožarnih aparata korisniku usluga vatrogasne jedinice do 5 km iznosi 20 KM , a za svaki daljni kilometar cijena se povećava za 2,00 KM – po kilometru.

#### Član 6.

Ostvarena finansijska sredstva na osnovu pruženih usluga vatrogasne jedinice mogu se upotrebljavati isključivo za znavljanje i nabavku nove vatrogasne opreme i sredstava.

### V NAČIN NAPLATE USLUGA

#### Član 7.

Fizička lica usluge servisiranja svojih vatrogasnih aparata prema uplatnici koju dobiju od ovlaštenog servisera plaćaju u pošti ili u jednoj od banaka. Prilikom predaje servisiranih aparata serviser vlasniku daje i radni nalog na kojem je evidentirana specifikacija izvršenih radova i visina naknade za izvršene usluge.

Pravna lica usluge servisiranja vatrogasnih aparata, obuke radnika iz oblasti zaštite od požara i mjerenja pritiska u hidrantskoj mreži plaćaju na osnovu ispostavljene fakture od strane Službe za finansije i računovodstvo.

### VI ZAVRŠNE ODREDBE

#### Član 8.

Stupanjem na snagu ove Odluke prestaju da važe sve ranije odluke i cjenovnici o pružanju vatrogasnih usluga.

#### Član 9.

Ova Odluka stupa na snagu danom objavljivanja u Službenim novinama općine Cazin.

Broj: 01/V-44-8365/10  
Dana, 20.04.2004.godine

Predsjedavajući vijeća

---

Ćoralić Haris

## OBRAZLOŽENJE:

Pravni osnov za donošenje ove Odluke sadržan je u članu 13., stav2., alineja 4. Zakona o principima lokalne samouprave ( « Sl.novine F BiH », broj: 49/06). Naime, navedenim članom regulisano je da općinska vijeća u okviru svojih nadležnosti, između ostalog, donose i propise o porezima, taksama, naknadama i doprinosima lokalne samouprave, u skladu sa zakonom. Plaćanje usluga Vatrogasnoj jedinici za servisiranje protivpožarnih aparata, izvedenu obuku iz oblasti zaštite od požara, kontrolu i mjerenje pritiska u hidrantskoj mreži i drugih usluga, a koje ne podrazumijevaju operativne akcije gašenja požara i spašavanja građana i njihove imovine u uslovima prirodnih i drugih nesreća , spada u grupu naknada i taksa.

Usluge koje pruža Vatrogasna jedinica, a za koje se utvrđuju naknade u Prijedlogu navedene «Odluke», regulisane su odredbama Zakona o zaštiti od požara i vatrogastvu i Pravilnikom o organizaciji i sistematizaciji radnih mjesta u Općinskom organu uprave općine Cazin i za iste na području općine nema registrirano ni jedno pravno lice. Također, sve usluge navedene u ovoj «Odluci» imaju preventivni karakter i zakonska su obaveza svi pravnih i fizičkih lica i veoma je značajno i bitno omogućiti građanima da svoje obaveze iz oblasti protivpožarne zaštite mogu izvršavati na području svoje općine.

Razlozi za donošenje ove Odluke ogledaju se u tome što trenutni cjenovnik (prema Zakonu o principima lokalne samouprave upotrebljava se termin naknada ) koji koristi Vatrogasna jedinica se primjenjuje već duže vrijeme tako da je potrebno izvršiti usklađivanje naknada za pružanje vatrogasnih usluga, a što je u nadležnosti Općinskog vijeća.

Također, kako je pružanje navedenih usluga kontinuiran proces potrebno je i stalno akumulirati i obezbjeđivati finansijska sredstva za obezbjeđenje rezervnih dijelova , vatrogasne opreme i sredstava koja su potrebna za normalno funkcionisanje Vatrogasnog servisa.